



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica prima

[urn:nbn:de:hbz:466:1-52716](#)

16 Dominica I. post Epiph. D.

les incipiamus. Confide fili! audiet nos Deus, quia Pater misericordiae est, & multæ clementiæ. Misericordiae Domini! misericordiae Domini! quia non sumus consumpti.

Dominica infra Epiphaniæ Octavam, seu I. post Epiphaniam.

EXHORTATIUNCULA I.

Heu! Maria perdidit Jesum, at inventum denuo. Verum ô quot sunt in mundo animæ sine Jesu, quia in statu multorum peccatorum? misereamur, & ut inveniant, & cum invento semper permaneant constantes in gratia.

Instructio meritoria.

Recitabimus septem *Psalmos pænitentiales*. Agamus ô fili! & præstemus id hodie, quod & egisse, nobis quondam expediet in sempiternum. Expedit autem, multum orâsse pro Christiano populo.

II. Fi-



II.

Fili! quid lego ex hodierno Evangelio? en! Jesus erat subditus illis. Miramur, Deum parere homini? & bene: est enim res admiratione dignissima. Sed unde hæc & tanta Filii Dei subiectio? ex amore, & pretio S. Obedientiæ. In hac & natus, & mortuus est. Quis suum jam non humiliet caput?

Instructio meritoria.

Humiliemus & nostrum, & coram omnibus nos transeuntibus illud humiliter inclinemus. Dum soli, flectamus, & in Venerationem morientis ex Obedientia Jesu 12. Pater & Ave expansis brachiis oremus cum suspirio: Domine Jesu! paratum cor meum, ut faciam voluntatem tuam. Deus meus! volui, & legem tuam in medio cordis mei.

III.

Qui quærit, invenit. Quærebant Maria, & inveniebant: & invenierunt in templo. Fili! scire desiderat quærendi methodum? dedit Salomon dicens:

dicens : *In simplicitate cordis quærite illum.* Quid simplicius Mariâ ? quid humilius Josephô ? quid mirum, si invenerint.

Instructio meritoria.

Hac simplicitate ambulemus coram Domino. Ad omnia exercitia flectamus erectis manibûs, flectamus & liberi, recollecti, & quieti. In fine cujuslibet exercitii subjugamus tria *Ave* cum Cantico : *Nunc dimittis servum tuum, Domine ! secundum verbum tuum in pace.* Finis coronet opus.

Dominica II. post Epiphaniam.

EXHORTATIUNCULA I.

Defuit hodiè vinum. Jam audio Jesu imperantis vocem : *Implete hydrias.* O quām bonus est Dominus timentibus se, & animæ quærenti illum. Deest nemini in necessitatibus ; & antequām invocetur, dicit : *Ecce ! adsum.*

Instructio meritoria.

Pro acceptis omnibus & singulis beneficiis à primo instanti conceptionis nostræ